




Lesson 11 for
June 13, 2026

PENANGGUL



"Lalu ukai semina nya aja, tang kitai mega deka temegahka diri ke natka pemerinsa, laban kitai nemu pemerinsa deka ngadaka ati ti tan, lalu ati ti tan deka ngadaka perangai ti manah, lalu perangai ti manah deka ngadaka pengadang, lalu pengadang enda ngelebuka kitai, laban pengerindu Allah Taala udah dituang ke dalam ati kitai ulih Roh Kudus ke udah diberi ngagai kitai."
(Romans 5:3-5, NKJV)



**Kitai idup ba dunya ti penuh enggau dosa sereta pemerinsa.
Semua kitai napi penusah ba sekeda maya ti tau ngasuh kitai
betanya pasal pengerindu Allah Taala.**

Baka ni kitai napi penanggul tu?

**Kitai deka belajarka baka ni sekeda orang dalam bup kudus napi
penanggul ti enda manah ti bebida, lalu baka ni chunto sida ulih
nulung kitai napi utai ti enda disadang ti sebaka.**

Kabut pengidup .



Penyakit




Penusah ngenyit



Pengasa ati



Meda Jesus



KABUT DALAM PENGIDUP

"Kabut besai nyadi, lalu gelombang mangka ngagai perau sida datai ke perau nya nyau deka karam." (Mark 4:37)



Ngelayang Tasik Galili tengah malam, taja pan ba tengah-tengah ribut, ukai utai baru ba Peter, Andrew, James enggau John, orang ke landik berikan.

Taja pia, ribut nya ngalahka sida iya. Angin ngelamun gelombang, ngasuh perau deha karam lalu naban ka nyawa sida iya. Udah nya baru sida sedar... Dini endur Jesus? Kati iya benung tinduk? Nama kebuah iya enda nulung kitai? Kati Iya enda ibuhka utai ti nyadi ba kitai?(Mark 4:35-38).

Dalam pengidup kitai, kitai nengah ribut. Kitai minta tulung Jesus, tang iya baka ke tinduk. Kitai enda ngasaika penatai Iya. Tang Iya bisi dia.

Nganti enda lama maya alai ribut kitai teduh: "Anang takut, anang bemunyi" (Mark 4:39). Iya ngintu kitai (1 Peter 5:7). Iya ulih ngeeneduhka ribut kitai. Anang enda ingat muji Iya lebuah Iya ngereja nya (Mark 4:40-41).



PENYAKIT

"laban iya berunding, 'Enti aku semina negu gari Iya, aku deka gerai' " (Mark 5:28 NIV)

Merinsa ketegal bedarah pengelama dua belas taun nadai tetemuka lutur ti ulih ngeraika iya udah ngasuh indu nya suntuk utai sereta nadai pengadang (Mark 5:25-26). Kemaya hari tu, bisi menua ke nadai dilindung perubat pechuma, lalu cherita tu engka agi nyadi nyata.



Kadang kala, semua kitai bisi napi ti endur penyakit ngejil sereta ngasuh kitai sendat seput, enggau nadai tetemuka cara ngasoh gerai.

Indu nya meda dalam Jesus chara mutarka penanggul, lalu pengarap iya nyelamatkan iya (Mark 5:27-29).

Kitai patut arapka Jesus ulih ngena lutur ti landik ngeraika kitai, tauka ngereja kereja ajih ti terus ba kitai.



Bisi maya, Jesus ngangau kitai nyerahkan semua pemerat enggau pengirau kitai ba lya (Mat. 11:28-30).



PENUSAH NGENYIT

"Lalu lebu kulit aku udah rusak, aku deka meda Allah Taala dalam tubuh aku." (Jop 19:26)

Perang, pengawa kasar, enggau penusah alam ngubah pengidup Jop ke balat tusah (Jop 1:13-19). Kitai semua betapi enggau penusah, sekalika penusah alam tauka ketegal penyai ti nyadi ba dunya tu.

Baka ni kitai deka napi nya? Baka ni Jop napi utai nya?



Iya enda nyalahka Petara tauka nulak Iya .

Iya bepegai ba Iya enggau pengabis pengering Iya .

Iya arap taja pan maya ti pemadu petang .

Iya netapka juluk ati Iya ba pengidup ti bemulia jemah Ila (Jop 19:25-27)



Enti kitai enda lemi semengat, kitai deka meda taja pan dalam penguji ti pemadu berat, Allah Taala seruran bisi enggau kitai. Iya rinduka kitai lalu ngeringka kitai ngambi ka kitai kering maya kitai lemi, berani maya kitai asa ati, enggau bisi pengadang leboh dituntung penusah (Joel 3:10; Rom. 5:3-5). Enti nuan benung dalam penusah, perundingka meh pengamat enggau pengibuh Allah Taala ke nuan nya utai ti pemadu likun sereta entap dalam pengidup nuan.

PENGASA ATI



“Tang kami ngarapka Iya nya meh orang ti deka ngelepaska orang Israel...” (Luke 24:21a)



Pengamoi tebantai: Jesus nya meh Messiah ti deka nebus orang Israel. Pekara ti amat: Iya udah mati (Lk 24:18-21).

Pengasa ati sida nya balat bendar nyentukka sida enda ulih nerima indah bukti ti terang pasal pengangkat Jesus ari mati (Lk 24:22-24).

Enggau liat ati, Jesus nulung sida bulih baru pengadang. Pengujung iya, “mata sida terbuka” (Luke 24:31 NIV) , lalu sida belanda meransang sida ke agi asa ati (Luke 24:32–35; 2 Korint 1:4). Nama ulih dipelajarka kitai ari peneleba seduai iya?



Kitai enda tau ngelakka kakang ati tumbuh ba runding kitai .

Jesus bejalai ba tisi kitai taja pan dalam pengasa ati kitai .

Iya deka muai utai ti ngasuh kitai saru penemu, enti kitai ngemendarka Iya .

Jesus nemu agi ari kitai nama utai ke bendar dalam diri kitai .is

MEDA JESUS

"Aku ngasaika pemerinsa ti ditapi kami diatu enda ulih dibandingka enggau mulia ti deka dipandangka ngagai kami." (Rome 8:18)

Lebuh Ellen G. White benung dalam ati ti balat asa, iya bisi genera ti endur iya meda Jesus.

Iya nemu iya meretika semua utai ti ditapi iya. Bisi sekali, Jesus ngengkahka jari iya ba pala indu nya, lalu bejaku ngagai indu nya, "Anang takut."

Iya meda pemandang ti bemulia, lalu iya baka ke udah bulih pengelikun enggau pemaik serega.

Mimpi tu meri iya pengadang enggau pengarap, sereta penetap ati iya ulih arapka Allah Taala.



"Lalu kitai nemu, dalam semua utai, Allah Taala bekereja ke pemaik orang ke rinduka Iya, ke udah dikangau nitihka juluk ati Iya." (Rome 8:28)

"Anang irau ke sebarang utai, tang dalam semua utai, bantaika semua utai ti dipinta kita ngagai Allah Taala ngena sampi enggau peminta, enggau sampi terima kasih, lalu pemaik Allah Taala ti ngelui peragam mensia, deka nyaga ati enggau runding kita dalam Jesus Kristus."
(Pilipi 4:6-7)

"Menyadi, lebuah kita dituntung mayuh macham penguji, kita patut gaga ati, laban kita nemu, lebuah pengarap kita diuji, iya ngadaka ati ti tan. Lalu awakka ati ti tan nya nembuka pengawa iya, ngambika kita nyadi orang ke besai tuai sereta nyadi pemadu badas, nadai kurang utai. [...] Beberekat meh orang ke tan natka penguji, laban lebuah iya tan diuji, iya deka nerima makota pengidup ti udah disemaya Tuhan ke orang ke rinduka Iya. ." (James 1:2-4, 12)



"Tang ku Iya bejaku ngagai aku, "Pengasih Aku chukup ke nuan, laban kuasa Aku nyadi pemadu badas lebuah nuan lemi." Nya alai aku deka gaga agi temegahka pengelemi aku, ngambika kuasa Kristus meruan ba aku." (2 Korint 12:9)

“Dalam peneleba semua orang datai maya ti balat asa sereta asa ati ti balat—hari ti endur penusah ati nyadika bagi, lalu tusah deka pechaya Petara agi nyadi orang ti manah ati ngagai bala anak Iya ti ada di dunya tu; hari ti endur penusah ngachau semengat, nyentukka pematika baka ti manah agi ari pengidup. pengikat enda arap. Kati kitai ulih maya ti baka nya meretika enggau penemu rohani reti utai ti disediaka Petara kitai patut meda bala melikat nguji nyelamatkan kitai ari diri empu, nguji nanam kaki kitai ba pelasar ti tegap agi ari bukit ti meruan belama iya, lalu pengarap ti baru, pengidup ti baru, deka nyadi.”